

## Athör cī gät kɔc Itharel cī gam Wēt nom

Athör cī gät kɔc Itharel, ee gēt tēnē akut kɔc cī gam wäär duēr gamden wai wei, ku dhukkē gamden thēer yic, rin cīi kɔc juēc kē loikē nhiar ku yekē ke kuɔc ciēēŋ. Ku keek aake ye raan gät athöör ke dæet puŋth ē gamden yic. Ku nyuth ke lɔn Jethu Kritho yen ē yic la cök, ku ē yen aci Nhialic rot nyuɔth thīn. Wäär gēt yen athöör ē wīc bī yith kadiäk dæet kepuŋth apēi. (1) Jethu yen ē Wēn Nhialic akölriēec ēbēn, ku yeen aci bēn gum bī tē yen Wun Nhialic thēek thīn ŋic. Rin ye yen Wēn Nhialic, Jethu adīt tēnē kɔc kāk Nhialic tīŋ cī gät athör thēer wēl Nhialic yic. Ku adīt tēnē atuuc nhial ku tēnē Mothith aya. (2) Jethu aci Nhialic nyuɔth bī ya yen raandīt kāk Nhialic akölriēec ēbēn, ku dīit tēnē kɔc kāk Nhialic tō athör thēer wēl Nhialic yic. (3) Ku Jethu yen ē raandīt kāk Nhialic. Ku ē yen pīr ē yic bēēi tēnē ŋo. Ku läai wäär ye kɔc Itharel ke nök, ku tēwäär ye kek yanhden duɔr thīn duēl yic, aa ye kīit yen aye kek pīr bī Jethu bēēi aköldä kiēt.

Ku cökdiit 11 yic, raan gēt athöör ē kajuēc rin gam kɔc thēer cī gät athör thēer wēl Nhialic yic lēk kɔc bā athöör kueen, bīk kepuŋth dæet gamden yic. Ku cökdiit 12 aaye lēk bīk la tuēŋ ke gam ŋet tē thou raan ku cik kekŋth wēl Jethu. Ku gumkē kuat kārɛc lui röt ke, ku nääk bī bēn tēnē ke aya.

Wēl juēc tō athör thēer wēl Nhialic yic, aaye raan ē gät athör kēnē tēnē kɔc Itharel cī gam, lac mat thīn. Kek wēlkä aabī raan kuen athöör ya yök ciel

kīt ṅāny ku kīt ē thiōk yiic (“ ”) Athöör ē thōk ē wēēt ku lēk.

*Käk tō thīn*

Wēt Nhialic acī Wēnde lēk kōc 1:1-3  
Jethu adīt ku aril tēnē atuuc nhial 1:4-14  
Buōthku Jethu bī ṅo luōk la pan mac 2:1-4  
Jethu acī bēn bī ṅo luōk 2:5-18  
Jethu adīt apei tēnē Mothith 3:1-6  
Gamku wēt Jethu buk rēer ē duk 3:7-4:13  
Jethu yen ē Raandan dīt apei kāk Nhialic 4:14-6:12  
Athōn Nhialic ē yic 6:13-20  
Melkidhedek 7:1-14  
Raan dēt kāk Nhialic cīt Melkidhedek 7:15-28  
Jethu yen ē Raandan dīt kāk Nhialic 8:1-15  
Tē ye Nhialic duōr thīn wāthēer 9:1-10:18  
Bāk lok tēthiāāk ke Nhialic 10:19-39  
Gam 11:1-12:29  
Tē ye Nhialic miēt pušu thīn 13:1-16  
Thek kōckun dīt wēl Nhialic 13:17-19  
Rōok ciēen 13:20-21  
Wēl ciēen 13:22-25

*Wēt Nhialic acī Wēnde lēk kōc*

<sup>1</sup> Wāthēer Nhialic acī jam tēnē kōc kākke tīṅ bīk wētde lēk wārkuān dīt arak juēc dhōl juēc.

<sup>2</sup> Ku ēmēn, ee Wēnde yen ē kākā lēk kōc. Yen acī Nhialic thōn kāriēc ēbēn pinyinhom, ku ē riel Wēnde yen ē looi yen kāriēc ēbēn tō thīn.

<sup>3</sup> Wēn Nhialic yen ē dhēēṅde nyuōōth. Ku yen aye Nhialic tic yeguōp ayic. Ee riel wēt yen ē kāk tō nhial ku piny cōl alui cīt tē cī yen ke cak thīn. Ee yen acī thou ba adumuōōmkua laak wei ṅogup, ku ler ku nyuuc Bāānyde yic nhial cuēny Wun Madhōl.

*Jethu adit ku aril tēnē atuuc nhial*

<sup>4</sup> Kēya, Jethu adit ku aril apēi tēnē atuuc nhial, cīmēn rin cī Nhialic gām ye bī ye a cōal ke, “Wēn Nhialic,” ye nyuōth. Rinkā awār rin atuuc.

<sup>5</sup> Rin acīn atuny cī Nhialic kaṅ lēk yeen ēlä, “Yīn ee Wēndiē, akölē, γen acī ya Wuur.”

Ku acīn atuny cī Nhialic kaṅ lēk yeen aya ēlä, “γen abī ya Wuur, ku yīn abī ya wēndiē.”

<sup>6</sup> Ku wäär tuuc Nhialic Wēnden bī thōn kākke pinynhom acī lueel aya ēlä,

“Yen adhīl atuuc nhial door.”

<sup>7</sup> Ku kē cī Nhialic lueel rin atuuc nhial akīn,

“Acā atuuc nhial cak ke puəl gup cīmēn yom.

Ku cīmēn bir deṅ bīk yeen lac aa luōōi.”

<sup>8</sup> Ku lueel Nhialic tēnē Jethu ēlä,

“Bäänydu abī cien akölriēec ēbēn, ku yīn abī ηiec mac apath.

<sup>9</sup> Yīn ee kōc luui kāpath nhiaar, ku yīn ee kōc luui kārēc lac tēm awuōc.

Ku ee yen kē cī Nhialic, yen Nhialicdu,

yī tāau tuēṅ kōc nhīim rin cī yen yīin lōc ku gēm yīin miēt puōu ēbēn.”

<sup>10</sup> Ku wēl thēer Nhialic cī gōt aa jam ēlä rin ē Jethu,

“Bēny wäär tuēṅ cēk kāṅ yīn acī piny cak, ku nhial aya ee yīn acī yeen cak.

<sup>11</sup> Kākkā ēbēn aabī liu aköldā, ku yīn abī tō thīn athēer.

Aabī dhiōp ku riēekkē cīmēn alath.

<sup>12</sup> Aaba ya mat yīic cīmēn alanh cī riāāk ku cuet wei.

Ku war keek aya cīmēn alēth.

Ku yīn guǝp, yīn aciī rot bī kaŋ waar, ku yīn aciī bī dhiǝp.”

<sup>13</sup> Acīn atuny cī Nhialic kaŋ lək yeen ēlä,  
“Nyuc kōŋdiēn cuēc ku ɣen abī kəc atərdu guiir ku  
dhušk keek ciēen yīcök.”

<sup>14</sup> Na ye këya, ya atuuc nhial kəŋö? Atuuc aa  
jak Nhialic lušši ē path. Aaye tooc bīk kəc bī pīr  
akölriēc ēbēn yök, aa kony.

## 2

### *Buəthku Jethu bī ɣo lušk la pan mac*

<sup>1</sup> Këya, ɣok aadhil ɣopuəth tāau piny apēi ku  
piŋku wēt Jethu apath, buk cī mēr wei dhəl la pan  
Nhialic yic.

<sup>2</sup> Wēt Nhialic wäär cī yen atušöcke tooc bīk lōŋ  
lək Mothith, rin bī Mothith ye lək wärkuan dīt. Kəc  
cī bēn kuc bīk wēt kēnē cī piŋ aaci bēn tēm awuəc.

<sup>3</sup> Këya, yeŋö bī ɣo gəl bī ɣo cī tēm awuəc aya, tē cī  
ɣok wēt bī ɣo kony ye Jethu lək kəc rin pīr akölriēc  
ēbēn ye piŋ? Ee Jethu yen ē kəŋ wēt pīr lueel. Ku  
yen aci kəc cī ye piŋ lək ɣo lən ye yen yic.

<sup>4</sup> Ku aye Nhialic nyuəəth akölaköl lən ye kakkä  
yith ē kakkith jāŋ gōi röt looi yīic. Ku miəc juēc riel  
ye Wēi Nhialic yīək kəc cī kakkä gam təcīt tē wīc yen  
ye thīn.

### *Jethu aci bēn bī ɣo bēn lušk*

<sup>5</sup> Nhialic aciī atuuc nhial bī looi bī ya kek la riel  
piny yen wīc bī bēn guiir, piny yen jiεem ɣok ēmēn.

<sup>6</sup> Aacie ke, rin aci Debit lueel tēnē Nhialic ēlä  
thεεr athör waak yīic,

“Raan yeŋö, ku manh raan yeŋö, ye yīn yīnhom  
yiək ye apei kēlä?”

<sup>7</sup> Wäär aca cɔl atöu nhom ciēen kaam thin-nyɔt  
tēnē atuuc nhial,

ku aŋot ca bēn yiək bääny ku tāau kēriēec ēbēn  
yecök.

<sup>8</sup> Ku wēn cī yīn kēriēec ēbēn tāau yecök.”

Acīn kēnē cī nyään wei. Ku emēn acuk tīŋ lɔn tō  
kēriēec ēbēn yecök.

<sup>9</sup> Ku ɣok aa Jethu wäär ca tōöu nhom ciēen tēnē  
atuuc nhial tīŋ emēn ke ye yen cī yiək bääny. ɣok aa  
Jethu tīŋ ke cī ya bēny rin cī yen thou, bī raan ēbēn  
luök ē piath Nhialic.

<sup>10</sup> Ku ē yic bī Nhialic yen cī kēriēec ēbēn cak, ku  
cɔl ke aa ciēŋ cīt tē cī yen ke cak thīn, Jethu cɔl  
agum, rin wīc yen ye bī kɔc juēc kony ku ɣēth ke  
bäänyde yic pan Nhialic.

<sup>11</sup> Raan kɔc cɔl ala cök, ku kɔc ye looi bīk la cök  
aala Wunden. Ku yen acī Jethu guöp ye yār bī ke  
aa cɔl wämāthakēn.

<sup>12</sup> Acī lueel tēnē Nhialic elä,  
“ɣen abī wämāthkiē lēk kē ca looi, yīn aba leec  
amaten yic.”

<sup>13</sup> Ku lueel aya,  
“ɣen abī Nhialic ŋööth.”  
Ku ben lueel tēnē Nhialic,  
“ɣen akīn, ɣok mīth ca gām ɣen.”

<sup>14</sup> Jethu acī ya raan cimēnda. Rin na le thou, ke  
gök jəŋrac la riēl ē thou.

<sup>15</sup> Ku Jethu acī bēn aya, bī kōc ke cīt aloony piārden yic akōlakōl bēn wēēr bei rin riōc kek ē thou.

<sup>16</sup> Kēya, adhilku tāau yonhīim lōn Jethu akēc bēn bā atuuc nhial bēn kony. Acī bēn bī yō bēn luōk, yok kōc cī gam cīmēn Abaram.

<sup>17</sup> Ku rin ē wēt kēnē yen acī yen ciēt yō, yok wāmāthakēn. Rin bī yen a Raan kāk Nhialic yer puōu luōi kāk Nhialic yiic. Ku rin bī ye juaar tēnē Nhialic ba adumuōōm pāl piny.

<sup>18</sup> Anjicku lōn bī yen yō kony tē thōōc jōṅrac yō awuōc yic, rin yeen aya, ēcī jōṅrac them ku guum apēi.

### 3

#### *Jethu adīt apēi tēnē Mothith*

<sup>1</sup> Wek miēthakāi cī gam, wek kōc cī Nhialic cōl aya cīmēndiē, awiēc bāk Jethu raan cī Nhialic tuōc pinynhom ke ye Raandan dīt apēi kāk Nhialic, bī yō bēn piōc kāpuōth wīc Nhialic ke buk ke gam, tak apath.

<sup>2</sup> Jethu ēcī wēt Nhialic yen tooc ye gam, ku looi piānde ēbēn cīmēn wäär cī Mothith wēt Nhialic gam, ku looi wäär cī Nhialic ye tāau kōcken Itharel nhīim.

<sup>3</sup> Raan mac cak nhom aye leec apēi tēnē kōc ē manyē. Ku kēya, Jethu aye leec apēi tēnē Mothith.

<sup>4</sup> Mac ayī dhiēth ala raan ye cak nhom. Ku Nhialic yen ē cak kāriēc ēbēn.

<sup>5</sup> Anjicku ēbēn lōn cī Mothith wēt Nhialic gam ku looi apath wäär ye yen alony Nhialic, wäär cī

Nhialic ye tääu kəc Itharel nhüim. Ku lək ke kək bī röt looi aköldä.

<sup>6</sup> Ku Raan cī ləc ku dəc acī wět Nhialic gam ku məc manyde apath rin ye yen Wēnde. Ku yook kəc cī gam yok aa many Nhialic. Yok aa manyde tē le yok tueŋ yo deet yopuōth, ku nhiεmku ŋōthdan bī yo lušk aköldä.

*Gamku wět Jethu buk rēer ē duk*

<sup>7-8</sup> Kēya, Wēi Nhialic ē yook yōök,  
“Tääukē wenhüim piny ku piεŋkē wētde ya aköl.  
Ku duškkē wepuōth wel wei tēnē yeen,  
cīmēn wäär cī kəc Itharel kepuōth wel wei tēnē

Nhialic  
wäär them yen keek ror liεεt,  
wäär jiēl kek pan Ijip.

<sup>9</sup> Keek, aake cī kək jāŋ gōi cī Nhialic looi rin bī yen  
ke kony tiŋ,  
ku ŋot ke cīi wět Nhialic gam tēn ruōōn thiārŋuan,  
bīk ciēt kəc ke them Nhialic, ku bīk tē lir yen puōu  
thīn tiŋ.

<sup>10-11</sup> Nawēn ke riääk puōu tēnē keek ku kuēēŋ ku  
lueel,  
‘Kockä aacīi wētdiē ben piŋ,  
ku aacā bī puōl bīk tē ca guiēr ke bī kek la rēer thīn  
ē duk, dōōt.’ ”

<sup>12</sup> Miēthakāi, tietkē röt bī ciēn raan tak kērac  
kamkun bī wět dhōl yic, ku wel yepuōu wei tēnē  
Nhialic yen tōu kēriēēc ēbēn yecin.

<sup>13</sup> Yakē röt wēt ē kamkun, ku dεεtkē wepuōth  
akōlaköl, tē ŋot ye wek ye lēu bāk wepuōth dhušk  
ciēēn, cīmēn wēt ye Nhialic lək we bāk looi yaköl,

“Pälkë luəi adumušööm, bī ciën raan kuεeth jəŋrac wei, ku dhël wēt Jethu yic.”

<sup>14</sup> Rin na mukku gamda apei akölriëec ëbën, ku ŋəthku Nhialic cīmën wäär gɛm ɣok ye buk Jethu buəəth, ke ɣok aa tək kek Jethu.

<sup>15</sup> ɣok aabī dhël Jethu buəəth yic tē gam ɣok kē yeku kueen cī gət athör thɛɛr wël Nhialic yic, ye lueel buk cīi kuec, ku buk cīi cit kɔc Itharel wäär cī kën ë ye Nhialic lək ke ror liɛt dhöl yic.

<sup>16</sup> Ŋic kɔc ke cī wēt Nhialic piŋ ku dhälkë yic? Alëu ba ŋic lən kɔckä aa wärkuan dīt, kɔc Itharel wäär wēt Mothith kenhüim wei læŋ yic pan Ijip.

<sup>17</sup> Ku keek kɔckä, cī Nhialic rac puəu tənë rušön thiärŋuan, aye kërac yen aa cik looi. Kɔckä aaci bën thou ku dəŋ guäpken ror liɛt.

<sup>18</sup> Ku kē cī kek nhüim riel bīk wēt Nhialic cīi piŋ, yen aci Nhialic puəu bën riäak ku kueec, ku kuëəŋ bī kɔckä tē cī guiir bī kek la ləŋ thīn cīi döt.

<sup>19</sup> Këya, ayeku tiŋ lən aa kēc Nhialic bën puəl bīk ë tən dööt, rin kēc kek wētde gam.

## 4

<sup>1</sup> Adhielkë muk wenhüim lən tēpuəth wäär cī Nhialic thən ɣo bī ɣok la ləŋ thīn ke ye, aŋot tiit yen ɣo thīn. Këya acin raan kuec bī ləŋ wäär cī thən ɣo cīi yök.

<sup>2</sup> Rin ɣok aaci Wēt Puəth Yam piŋ cīmenden. Ku keek aaci wēt piŋ ku akēc ke kony, rin wäär piŋ kek ye aa këckë gam.

<sup>3</sup> Ku ɣok kɔc cī gam, ɣok aa ləŋ cī Nhialic thən yök, rin ɣok aaci cit wärkuan dīt wäär cī wēt cī Nhialic



thön keek piŋ ku cīk gam, go lueel älä, “Këya, ɣen aci pušu riääk ku kuëŋ, ‘Lön kockä aaciï bi la tē bi kek la löŋ thīn.’ ” Ku löŋ ye Nhialic lueel ē tō thīn theer wäär cī yen piny cak.

<sup>4</sup> Rin ayeku yök aya athör theer wël Nhialic yiic lön cī Nhialic löŋ luide yic aköl ye nin dhorou, tēwäär cī yen nhial ku piny cak ku kāk tō nhial ebën thöl.

<sup>5-6</sup> Cīt lön cī Nhialic ye lueel, “Kockä aaciï bi la tēn löŋ.” Ku koc ke cī wēt kēnē kaŋ piŋ aa kēc bēn la tēn löŋ rin cī kek wēt Nhialic dhöl yic.

<sup>7</sup> Ku Nhialic ē cā aköl dēt looi. Ku ē yen akölē yen cī yen jam tēnē Debit wäthēer, cīt tē cī ye gät thīn athör theer wël Nhialic, “Na pienkē Nhialic röl ke cöt akölē, ke duökkē kuc cīmēn koc theer.”

<sup>8</sup> Këya, duökkē tak lön cī wärkuan dīt, pan wäär cī Nhialic lueel bi kek la löŋ thīn dööt wäär ɣeet kek pan kanaan, kek bānyden Jocua wäär cī bēn a bēny Mothith cök. Duökkē tak, rin na ke cī pan cī Nhialic luï ke dööt, ŋuöt akēc Nhialic bēn lueel lön le yen aköl dēt bi koc cī wētde gam, bi kek la löŋ thīn ke ye, bēn.

<sup>9</sup> Ee yic! Anicku lön ŋot bi yen la löŋ tēnē koc wēt Nhialic gam, cīmēn wäär cī Nhialic löŋ nin kadātem cök wäär cak yen pinyhom.

<sup>10</sup> Rin raan cī löŋ cī Nhialic thön yök, abi löŋ luide yic, cīmēn wäär cī Nhialic löŋ luide yic.

<sup>11</sup> Këya, luuiku apath buk löŋ kēnē yök, rin bi ciēn raan tōk kamkua mār, cīmēn wäär cī wärkuan dīt kuc bik wēt cīi gam.

<sup>12</sup> Wēt Nhialic arëēr thīn ku alui piērda yic akōlakōl. Wētde aril apei, ee lōōny kəc puōth bī kāpath ku kāreç tō yopuōth tek thook. Acit təŋ moth dhie riŋ teem bī yom la tek thook.

<sup>13</sup> Acīn kē lēu bī thiaan tēnē Nhialic. Aŋic kē cī cak ku adaai kəriëec ebēn. Acīn kē lēu raan bī thiaan tēnē ye. Ku ē yen aye bēn lək kāreç.

### *Jethu yen ë raandit apei kək Nhialic*

<sup>14</sup> Jethu Wēn Nhialic, yen ë raandit apei kək Nhialic rëēr kek Nhialic. Na ye këya, ke yo muk gamda apath.

<sup>15</sup> Raandan dit apei kək Nhialic acie yepuōu ë pēn yo cak alon ye yok luui kāreç. Rin yeen ëcī jəŋrac them aya ë dhəl juēc yiic cīmēnda. Ku acīn awuōc cī looi.

<sup>16</sup> Lokku tēnē Nhialic cī nyuc thōnyden dhëēŋ nhom ke yo cīi riōc. Tëēn, yok aabi lier puōu yok, ku yökku dhēŋ bī yo kony tē wic yok kuōny.

## 5

<sup>1</sup> Raandit kək Nhialic thëer ë ye kacke kuany bī ya jam tēnē Nhialic rin kəc ebēn. Ku nək kəŋ bī yen ke Nhialic door rin bī Nhialic kəkken reç yekē looi päl piny.

<sup>2</sup> Ku yeen aya, ee ye luui kāreç akōlakōl rin ye yen raan. Ku këya, alēu bī kəc cī mää, ku kəc cīn kē ŋickē ŋuään.

<sup>3</sup> Ku rin cīi bēny ye riel apei wēt Nhialic yic, ee kəŋ nök bī yen ke Nhialic door rin kāreç ye kacke looi, ku rin kāraacke aya.

<sup>4</sup> Acīn raandīt kāk Nhialic rot kuany ē rot. Ee Nhialic ē rot yen ē raanden cī tak ləc cīmēn wäär ləc yen Aron.

<sup>5</sup> Kēya, Bānyda raan cī ləc ku dəc ēcīi bāāny ye yen raandīt kāk Nhialic rum. Ee Nhialic yen ē ləc ye wäär lueel yen ye ēlä, “Yīn ē Wēndiē, Ya akölē, γεν aci ya Wuur.”

<sup>6</sup> Ku aci gōt athör thεεr wēl Nhialic yic lən cī Nhialic ye lueel aya aköldēt ēlä, “Yīn aci ləc ba ya raan kāk Nhialic akölriēc cīmēn Melkidhedek.”

<sup>7</sup> Wäär ciēŋ Jethu pinynhom, ēcī rōök apēi tēnē Nhialic, ku cəl Nhialic ke dhiau, Nhialic lēu ye bī kony thou yic. Ku yen aci Nhialic bēn kony rin yen Jethu yök ke loi kēden wīc.

<sup>8</sup> Na cək alon ye Jethu Wēn Nhialic, ke yeen aci dhiel bēn gum bī kē wīc Nhialic yen bī looi dhiel ŋic bī wēt.

<sup>9</sup> Ku wēn cī yen jāl a raan la cök, cī luaside lēu, aci bēn aa raan ye pīr akölriēc ēbēn yök thīn ē kəc wētde piŋ ku loikē.

<sup>10</sup> Ku ē yen kē cī Nhialic ye bēn nyuōth kəc ēbēn, lən ye Jethu Raandīt apēi ē kāk Nhialic akölriēc ēbēn cīmēn Melkidhedek.

<sup>11</sup> Ala wēl kək ril kek ba lək we ē wēlkä cök, ku aril yic ba ke teet yiic rin wek aacit kəc la yīth adök, cīi kǎŋ ye piŋ.

<sup>12</sup> Na we cī wepuōth pāl piny, ŋuōt wek aa kəc kək piōc wēt Nhialic ēmēn, rin tēn gam wek ye bāk aa kəc cī gam aci μεc. Ku wek aaci dhuk ciēēn, arək nadē ke wek aa wīc kəc ben we piōc wēl tuēŋ

Nhialic wäär cäk kaŋ ɲic. Wek aacit mïth kor ɲot ke dhil muk ë ca, kəc guo dit bik mïth mïith ril kōth.

<sup>13</sup> Ku raan ɲot cīt manh koor muk ë ca, aye nyooth lən kəc yen wēt Nhialic deet apath. Aɲot cīt manh kuc kēpath ku kērac.

<sup>14</sup> Miēth ril kōu ee kēn kəc cī dit, kəc cī rōt piöc bik kēpath ku kērac ɲic.

## 6

<sup>1</sup> Lokku tueŋ buk we piöc wël bī we cəl aɲic kajuēc. Acā wïc ba we piöc kāk wäär wiäckē bāk ke ɲic bāk aa kəc cī gam. Acā wïc ba bən lək we bāk wepuōth dhuşk ciēn rin adumuömkun ku bāk Nhialic gam. Käkka aa ɲiäckē ke theer.

<sup>2</sup> Piöc rin lōkwēi, ku piöc bī cin tāau kəc nhïim bī Wēi Nhialic lööny kəc gup. Ku jəl a piöc bī Jethu kōcken cī thou bən jōt bei thou yic akōl le yen dhuk pinynhom, bī luk bən looi kam kəc cī wētde gam, ku kəc cī jai wētde. Piöc cīt kēnē acie yen path bī ya dhuşk yic tēnē we akōlakōl. Kek aa kāk ye ke piöc jōk.

<sup>3</sup> Apath buk la tueŋ buk kajuēc kōk ɲic rin Jethu. Ku ë yen kē buk looi tē pəl Nhialic ye.

<sup>4</sup> Rin acīi rot lēu bī kəc cī jəl gamden yic cəl aa ben kepuōth dhuşk ciēn. Keek aake cī yic kaŋ ɲic, ku ɲickē pīr yam cīk yōk tēnē Raan cī lōc ku dōc, ku Wēi Nhialic.

<sup>5</sup> Ee cīk ɲic lən puōth wēt Nhialic, ku tīŋkē kāk jāŋ göi.

<sup>6</sup> Ku kāk loikē ke emēn, aa ben kek Wēn Nhialic piäat tim cī riūu kōu, ku reckē guōp kəc nhïim ebēn.

7-8 Raan cī wēt Nhialic gam piānde ebēn athōŋ ke dom dhie la tiōm path, ee pūu yiōi na tueny deŋ ku pur ke lok apath. Raan cīt kēnē aye Nhialic puōu miēt tēnē ye, ku kony bī pīr akōlriēec ebēn yōk. Ku dom ye puur ku la kuōth cil thīn, acīt raan ye lēk wēt Nhialic ku cīi piŋ. Raan cīt kēnē aye Nhialic tēm awuōdīt bī yen rēer pan mac akōlriēec.

9 Na cōk alōn cī ŋen we gāt athör kēnē wek māthkiē, ka ŋiec wek aa ŋot we la tuenŋ apath. Wek aa ŋot we kuany dhēl pīr akōlriēec ebēn yic.

10 Nhialic acie mītil nadē ke mār nhom kāpuōth cāk looi, ku tē nhiēer wek ye thīn cāk nyuōth ye kāk cāk looi yiic, ku kāk ŋot ke luōikē ke emēn rin kacke.

11 Ku wek aa wīcku bī ŋek la tuenŋ ke loi kāpath cīt kāpuōth thēer akōlakōl yet akōldā. Rin bī kē ŋōthkē yenhom tiēŋ.

12 Awīcku bāk rōt cīi dak luōi kāpath yiic. Awīcku bāk ciēt kōc wāār cī gam, yet tē yōk kek kēpuōth wāār cī Nhialic thōn ke.

### *Athōn Nhialic ē yic*

13 Wāār lueel Nhialic ye lōn bī yen Abaram gām mīth juēc, acī rot kuēēŋ rin cīn yen raan dēt dīt tēnē yen bī ye kuēēŋ ē riēnke.

14 Ku lueel, “Yīn alēk yic! Yīn aba dōc ku gām yī mīth.”

15 Go Abaram tūit ku ŋōōth kē cī Nhialic rot kuēēŋ yet tē cī kēnē yenhom bēn tiēŋ.

16 Tē kuēēŋ raan, ee kuēēŋ rin raandīt tēnē ye. Ku kuēēŋde aye gam.

17 Ku ë wïc Nhialic bī cəl ala gēi, lən bī yen kē cī thən guöt nhom ke cīi war yic. Ku kuëëŋ bī wētde dhiel a yic.

18 Nhialic acī ɣo lək kəŋ karou, athön ku kuëëŋ, lən bī yen wëlke muk nhïim. Ku rin ë kăkkă karou, aŋicku lən ye athön yic. Keek aacie röt ye waar ku Nhialic acie lueth ye lueel. Nhialic acī kënë lueel bī ɣo dæet puöth apēi lən bī ŋäthda tēnē Nhialic yenhom tiëŋ.

19 Ku rin ŋäthda tēnē Jethu yen aye ɣok thöny Nhialic dööt, tēwäär cī Jethu la thīn yonhïim tuen bī la röök ku lēŋ Nhialic ë rienkua.

20 Njōth ye ɣok Nhialic ŋjōth kəpuöth cī thön ɣo rin wëikua yen ë ɣo muk puöth, rin Jethu acī ɣo wat nhïim pan Nhialic. Ku yeen acī jäl a raandit apēi kək Nhialic cīmēn Melkidhedek, akölriëc.

## 7

### *Melkidhedek*

1 Melkidhedek ë ye bēnydīt gen cəl Thalam, ku yen aya ë ye raandit apēi kək Nhialic Madhəl. Naɣən akäl tők ke piŋ lən cī Abaram la dhuk təŋ yic ke cī təŋ bāny wuöt kaŋuan cop.

2 Go Abaram Melkidhedek juër tōŋ thiäär kək cī ke la peec təŋ yic. Melkidhedek, wētde yic, “Bēny la cök.” Ku ë ye bēny döör aya. Cīmēn rin genden cəl Thalam, wētde yic, ee “Döör.”

3 Acin wun ku man ku kuat. Ku tēn jəok piërde rot thīn ku le thök acīi ŋic. Arëër ke ye raan kək Nhialic akölriëc cīmēn Wēn Nhialic.

<sup>4</sup> Jalkë tñj tē diit Melkidhedek thīn! Agut Abaram guōp, raandit wärkuan dit thæɛ, aci tōj thiäär kākken wäär cik la peec tōj yic, juēr ye.

<sup>5</sup> Alëu raan bī gam lɔn ye kē cī Abaram ajuēr gām Melkidhedek yic, tēn ye Melkidhedek raan Lebī, kuat Abaram kek kɔc kāk Nhialic ē kɔc Itharel wäär tōk thiäär yic juaar tēnē kacken cīt lōj Mothith.

<sup>6</sup> Ku yen Melkidhedek acie raan kuat Lebī, ku aca ajuēr bēn lööm tēnē Abaram ku cuēt pīu. Ku Abaram acā athōn Nhialic yök.

<sup>7</sup> Ku aņicku aya lɔn raan yen kɔc dɔɔc, awār raan bēn tēnē ye bī bēn dɔɔc.

<sup>8</sup> Ku dēt aya, kɔc kāk Nhialic wäär ajuēr kuany, aake ye kɔc ē path, aaci bēn thou cīmēn bī yok thou, ku aye athör thæɛr wël Nhialic læk yo lɔn Melkidhedek apīr.

<sup>9</sup> Alëu buk lueel lɔn ye Melkidhedek raandit apeī kāk Nhialic tēnē kɔc Lebī, kɔc kāk Nhialic. Rin Abaram wundit kuat Lebī, yen aci tōj thiäär kāk wäär cik la peec tōj yic juēr Melkidhedek.

<sup>10</sup> Këya, alëu bī lueel lɔn kɔc Lebī aaci tōj thiäär juēr Melkidhedek aya, rin ye kek kɔc riem Abaram.

<sup>11</sup> Na lëu kɔc Lebī, kɔc kāk Nhialic bīk yo cɔl aala cök, ŋuöt acin dēt ben raan dēt kāk Nhialic cīmēn Melkidhedek bēn, raan cīi cīt Aron, raandit kāk Nhialic wäär ē kuat Lebī. Ku kɔc Lebī, kɔc kāk Nhialic aake buath lōj Mothith yic.

<sup>12</sup> Ku aa kēc yo bēn cɔl aala cök. Ku këya, acie raan dēt kāk Nhialic yen wīcku ē rot, yok aa wīc lōj dēt yam aya.

<sup>13</sup> Jethu Bānyda, raan jīem yok rienske emēn, ee

cie raan dhiēnh Lebī. Ku acīn raan tōŋ kuaatde cī kaŋ a raan kāk Nhialic, ee Nhialic door yīk nhom.

<sup>14</sup> Aŋicku lōn Bānyda Jethu ē raan dhiēnh Juda. Ku akēc Mothith puōl bī kōc dhiēnh Juda ya kōc kāk Nhialic.

*Raan dēt kāk Nhialic cīt Melkidhedek*

<sup>15</sup> Acī jāl la gēi apēi ēmēn, tē le raandīt dēt kāk Nhialic cīt Melkidhedek tuōl.

<sup>16</sup> Raan kēc aa raandīt kāk Nhialic cīt lōŋ ciēŋ kōc pinynhom, acī ya raandīt kāk Nhialic cīn kē bī riēlden pīr akōlriēc ēbēn kaŋ rac.

<sup>17</sup> Rin aye athör thēer wēl Nhialic lueel ēlā ē rienke, “Yīn abī ya raan kāk Nhialic akōlriēc ēbēn cimēn Melkidhedek.”

<sup>18</sup> Ku lōŋ thēer wāār acī puōl acīi ril. Acie kōc ē kony.

<sup>19</sup> Rin lōŋ Mothith acie kōc cōl aala cōk. Ke ēmēn yok aala lōŋ yam yo cōl aŋōth lōn bī yok thiōk kek Nhialic.

<sup>20</sup> Ku dēt, Nhialic ēcī kuēēŋ aya kēde. Ku acīn kōc kōk cī ya kōc kāk Nhialic cī yen kuēēŋ kēden.

<sup>21</sup> Ku Jethu acī ya raandīt kāk Nhialic apēi rin cī Nhialic kuēēŋ wētde wāār lueel yen ye ēlā, “Yēn acī kuēēŋ ku acā bī waar yic. Yīn ē bēny akōlriēc ēbēn.”

<sup>22</sup> Rin ē kuēēŋ kēnē yen acī yok ye ŋic lōn lōŋ dōōr ē yam cī Nhialic looi ē Jethu, ya kēpath.

<sup>23</sup> Ku dēt cīi kek thōŋ akīn. Kōc kāk Nhialic thēer aake ye juēc, rin na cī raandīt kāk Nhialic thou, ke raan dēt ala nyiēnde.

<sup>24</sup> Ku Jethu apīr akōlriēc ēbēn, luōiden ē yen raandīt kāk Nhialic acie rot ye waar.



<sup>25</sup> Jethu ala riel dīt bī kəc buəth dhölde yic kony ebən, kəc wic ye bīk la tənē Nhialic. Rin ē rēer ke ləŋ Nhialic ē rienken.

<sup>26</sup> Jethu yen ē raandīt kək Nhialic cī kəkkuə lēu. Arēer ke dhēer Nhialic, acīn guəp adumuəəm, ku yen acī Nhialic tək bei tənē kəc kərəc looi, ku tēu kək cī cak nħiim ebən nhial.

<sup>27</sup> Yen acī thōŋ kek kəcđīt kək Nhialic wäär yək nək ruəən thok ebən, rin bī adumuəəmken ku adumuəəm kacken pəl piny. Jethu acī thōŋ ke ke. Acī rot juaar arak tək wäär thou yen tim cī rīu kəu rin adumuəəm kəc ebən.

<sup>28</sup> Kēya, alēuku buk ŋic lən kəc kək Nhialic wäär ē luui dhöl lōŋ Mothith aake cī la cök. Ku athōn Nhialic cī yen kuēer wäär lōŋ Mothith ebən cök, acī Wēnde looi bī ya raan la cök akölriēc ebən.

## 8

### *Jethu yen ee raandan dīt kək Nhialic*

<sup>1</sup> Wēt ril yen wicku buk lək we, ee lən le yək raandīt kək Nhialic cī nyuc ləŋ cuēc thōny Nhialic Madhəl nhom nhial.

<sup>2</sup> Jethu alui ke cīt raandīt kək Nhialic, tē rēer dhēer Nhialic thīn ayic tēn ē looi Bēny ke cie raan.

<sup>3</sup> Ku cīt lən ye raandīt kək Nhialic kuany bī kəŋ aa juaar ku nək yək tənē Nhialic, ke raandan dīt kək Nhialic aya adhīl la kē ye juēr Nhialic.

<sup>4</sup> Ku na Jethu rēer pinynhom, ŋuət akēc kaŋ a raan kək Nhialic, rin kəc kək Nhialic, ke ye Nhialic nək yək cīt tē ye lōŋ Mothith luəl ye aake tō thīn.

<sup>5</sup> Ku luəi yekē looi kek kəc kək Nhialic kə, ee ye kīit yen ē ye kek kək ye looi nhial tē rēer dhēer

Nhialic thīn kiëēt. Ku yen athöŋ kek luəi Mothith. Rin wäär wīc yen ye bī duəl looi ëcī Nhialic lək ye ëlä, “Adhil ŋic lɔn yīn adhil kəŋ looi ëbën cīt tēden wäär ca nyuōth yī ë gət nhom.”

<sup>6</sup> Ku Jethu ëmën, raandīt kāk Nhialic acī gām riöldīt yen luui wār rielden. Rin döör yam cī looi kam Nhialic kek kacke aŋuëën apēi, rin döör yam aa rēer kəpuōth cī Nhialic thōn ɣo thīn.

<sup>7</sup> Na löŋ döör tuen wäär la cök ŋuot acīn kē cī Nhialic löŋ dēt ben wīc.

<sup>8</sup> Rin ëcī Nhialic yök lɔn löŋ döör tuen ëcīi path tēnē kacke, go lueel ëlä,  
“Nīn aaci thiök, lueel Bēny,  
tē bī ɣen löŋ döör yam looi kek kɔc Itharel ku kɔc  
Juda.

<sup>9</sup> Acīi bī ciēt döör tuen wäär ca looi kek wārken dīt  
aköl  
wäär nyεei ɣen keek pan Ijip.  
Aake kēc löŋ döör ca looi ke keek muk nhom apath,  
ɣuə kuεc ë keek, lueel Nhialic.

<sup>10</sup> Ëmën, döör ba looi kek kɔc Itharel nīn bī bën cök  
akīn,  
lueel Bēny.

ɣen abī löŋkië tāau kenhīim ku kepuōth.

ɣen abī ya Nhialicden ku yekē kackië.

<sup>11</sup> Acīn raan ë kamken bī miëthakēn ben piöc,  
nadē ke lək kɔcken ë baai, ‘Ŋic Bēny.’

Rin keek aabä ŋic ëbën, meth ku raan dīt.

<sup>12</sup> ɣen abä adumuöömken päl piny, ku cä kāracken  
ben kuëc nhīim.”

<sup>13</sup> Jalkē tīŋ ëmën, wën lueel Nhialic yen ka bī löŋ  
döör yam looi, ee ŋic lɔn cīi löŋ döör theer path, ku

aŋicku aya, na cī kēdāŋ riääk apɛi ka cīn kē kuny kəc.

## 9

### *Tēye Nhialic duəər thīn wāthɛɛr*

<sup>1</sup> Lōŋ dōər tuen̄ ɛ la tēden ye Nhialic duəər thīn, ku tē ye Nhialic door thīn ɛcī looi aya pinynhom tēn. Kəc kāk Nhialic Lebī aake ye Nhialic door yōn cī puəl bī ke Nhialic ya door thīn, ku duəl aake tō pinynhom ɛ tēn.

<sup>2</sup> Duəl ye Nhialic door thīn ɛ ye looi ke ye yic rou. Yōn ye kaŋ yök tē le kəc duəl yic, ee cəl Tēyaath ɛ Nhialic. Ku ləŋ kēnē, many adök ɛ dēp ɛ ye tōsu thīn, ku agen ye ayum cī juēr Nhialic tāau yenhom aya.

<sup>3</sup> Ku yōn tō alanh cī duəl tek yic kəu, ee cəl yōn Yaath apɛi ɛ Nhialic.

<sup>4</sup> Ku ɛ yōn kēnē yen arēər agen thīn, agen cī təc nhom milāŋ təc ye raan kāk Nhialic Lebī adōŋ n̄ir cī took tōsu yenhom, ku ɛ yōn kēnē aya yen arēər rōŋdīt tet, ye cəl Rōŋ Lōŋ ɛ dōər thīn. Ku yen arēər tōny mana thīn, ku wai Aron ɛ ye rēər thīn aya. Wai kēnē ɛcī Nhialic cəl acil kəu ayər ku looi yōäk cək alən ee yen tim thɛɛr cī riɛl. Ku aleel dīt tet karou cī lōōŋ Nhialic kathiäär gōt thīn, aa tō thīn aya.

<sup>5</sup> Ku ɛ rōŋ dōər kēnē nhom, atuuc nhial karou cī kiēt, cəl Kerubin ɛ diik aake tō thīn. Ku keek aake ye Nhialic nyuəəth. Aake la kōth wuək dīt rök kum nhom tēn yen ye cəl, “Pəl Piny Käreɛ.” Rin tēn, arak tōk rušōn yic, raan dīt kāk Nhialic ɛ ye kəc wiəth

rim kē cī nök tēnē Nhialic rin be adumuöömke ku adumuööm kacke päl piny. Ku emēn acā wic ba kajuēc kək ηiεc rin ee kēnē teet.

<sup>6</sup> Kēya, kəc kək Nhialic aake ye Nhialic door cīt tē cī guiēr ye. Aake ye la yōn tuenḡ bī kek Nhialic aa la door thīn.

<sup>7</sup> Ku yōn yaath Nhialic, ee raandīt kək Nhialic yen ē la thīn ē rot, bī la rōök thīn arak tōk ruöön tōk yic. Tē le yen yōt, ee riēm wenḡ cī juēr Nhialic muk bī la wiēth yōt, bī Nhialic awäcke ku awuöc ye kacke looi ke kuckē päl piny.

<sup>8</sup> Aye Wēi Nhialic nyuöth yo ē kēnē yic lōn nadē ke dhēl la yōn yaath Nhialic ē yic, aḡot kēc ḡaany thok cīt lōn ḡot kəc lui dhēl thēer.

<sup>9</sup> Kē lēuku buk deet ē kēnē yic aya emēn, ee lōn nadē ke riēm wenḡ cī juēr Nhialic ye wiēth kəc, aacie kəc ē Nhialic door ye looi bik puöth la cök.

<sup>10</sup> Käkka ēbēn aa kək lōḡ thēer, lōḡ ye kāḡ nök ku cuet ke ē path. Ku kajuēc kək ye looi bī awuöc laak wei, aa kəc gup path ayeer kek aaye lōk. Käkka aa lööḡ ke rēer thīn thēer cīn kē yekē kony yet tē bī Nhialic dhēl yam, dhēl adumuööm nyaai kəc puöth guir.

### *Lōḡ yam cī Jethu thany ē riēmde*

<sup>11</sup> Jethu acī ya raan dīt kək Nhialic. Kajuēc path cī bēn pinynhom rin cī yen la duēl dīt la cök ē Nhialic yic, duēl cīi loi kəc cin pinynhom ē tēn.

<sup>12</sup> Wäär le Jethu duēl yic, ēcī la tē dhēḡ apei arak tōk bī rēer thīn akölriēc ēbēn. Ku wäär le yen ē tēen acie riēm thōk ayī riēm wenḡ yen cī la wiēth duēl yic.

Ee riemde yen eci juer Nhialic rienkua bi yo luok akolriieec ebën alanden.

<sup>13</sup> Wätheer kəc kək Nhialic aake ye riem thök ku riem muor lööm bi kek kəc wieth, rin bi awäcken päl piny. Ku keek aya aake ye manh wenj e dou nök ku nyopkë abi ya col. Ku liörkë e piu ku with kek kəc la gup adumuööm rin bi adumuöömken wuööny wei.

<sup>14</sup> Na ye këya, bi riem Raan ci löc ku dəc yiendë, ci adumuöömkuu bi laak wei yopuöth, ku buk lëu buk Nhialic pir ya luöi? Ku riel Wëi Nhialic yen aci Raan ci löc ku dəc rot juer Nhialic e rienkua. Këya, ajuer la cök cin diu.

<sup>15</sup> Ku rin e wët këne yen aye Jethu raan yen loi löng döör yam, rin bi kəc wäär ci Nhialic thön pir akolriieec ebën, pir yök. Këne abi rot lëu rin ci Jethu thou bi kəc waar käreç yiic, kək wäär ci looi löng döör tuenj yic.

<sup>16</sup> Këne athönj kek raan kärke ciεn tē bi lök tək ke tē le yen thou. Ee kë bi njek e miethke yiic lök lööm tē le yen thou than piny.

<sup>17</sup> Ku acin raan kädän guo nyaai tē njot piir yen. Ku na le thou ke kawën ci döng aaye njek kë ci tək ye jäl nyaai.

<sup>18</sup> Agut löng döör thëer aya, awic bi kädän kanj nök bi riem kuër bi tē door Nhialic thün jäl la cök.

<sup>19</sup> Mothith e ye kəc kanj lək lööng Nhialic ebën. Ku jal riem miöör ku thök ci nök liäap e piu, ku with athör ci lööng göt thün ku kəc.

<sup>20</sup> Ku lueel, “Këne e riem löng döör, löng ci Nhialic lək we bäk muk apath.”

21 Ku Mothith ë ye duël ku käyaath ye tööu thïn wiëth riem aya.

22 Këya, cīmën löŋ theer, yök aake ye nök bi riemden lööm bi kəc kəc, ku na cīn kë näk bi riem kuër ka adumuööm aacii pël piny.

23 Duël ye Nhialic door thïn ku kök tö thïn ëbën, aake ye käk ye duër ë yic tö pan Nhialic kiëët, rin ye käreç tö kəc gup wuööny wei rin yök ye nök ë path. Ku luoi ë yic nhial tënë Nhialic, adhil wic ajuër la cök,

24 Këya, Raan cī löc ku döc akəc la duël ye Nhialic door thïn yic, duël looi raan pinynhom ë tēn këcīt kiit ye ke käreç wuööny wei kəc gup rim ë yök. Yeen nhom guöp aci la pan Nhialic, ku arëër thïn ke löŋ Nhialic ëmën riengkua.

25 Raandit käk Nhialic kuat Lebī ë ye duël la wiëth riem kë cī nök cie riemde arak tök ruöön thok ëbën. Ku Jethu akəc rot juaar arak juëc, aci rot gam arak tök giliŋ.

26 Ku ëmën aci bën arak tök cīt tē cī Nhialic ye guier thïn bi rot bën juër Nhialic bä adumuööm nyaai.

27 Cīmën ye raan thou arak tök ku yëth luk yic arak tök Nhialic nhom,

28 Jethu aci gam bi thou arak tök bi adumuööm kəc ëbën nyaai. Ku abi bën dhuk ku acii bi bën thou rin adumuööm, ku ë rin bi yen kəc ŋöth ye bën luşk.

## 10

1 Löŋ theer Mothith, ee kiit yen ë ye käpuoath bi röt looi aköldä kiëët. Ee cii thöŋ kek käpuoath cī bën kek Jethu raan cī löc ku döc. Käk ke ye näk

Nhialic rušön ebën cīt tēn löŋ theer, aake cie kɔc ke ye Nhialic door cɔl aala cök.

<sup>2</sup> Na kāk ke ye nāk Nhialic kɔc cɔl aala cök, ŋušt kɔc akēc la tueŋ ke ye kǎŋ nāk Nhialic. Rin ŋušt kǎkkā aake bā adumušm kɔc Nhialic door wušöny wei arak tök, ku cik ben ya tak lɔn le kek gup adumušm.

<sup>3</sup> Ku keek aake ye kāk yekē nāk Nhialic rušön thok ebën, cɔl aa takkē lɔn le kek gup adumušm.

<sup>4</sup> Rin aciī rim ɣök ku rim thök ye nök lēu bik adumušm wušöny wei.

<sup>5</sup> Kēya, ecī Raan cī lɔc ku dɔc lək Nhialic wäär bīi yen pinyhom elä,

“Yin aciī wic kāk ye nök ku kāk ye juēr yīn, rin cī yīn ɣa gām gušpdien bī juaar tēnē yīn.

<sup>6</sup> Yin acie pušu ye miēt ɣök ye nāk yīn tēdē ke ye kāk ye juēr yīn bik adumušm nyaai.

<sup>7</sup> Ku lueel, ɣen akīn ba kē wic looi Nhialic Madhɔl, cimēn cī ye gōt rienkiē athör löŋ theer yic.”

<sup>8</sup> Ēmēn, tāaukē wepušth piny ku takkē wēt cī Jethu lueel tueŋ elä, “Yin aciī wic, ku tēdē yīn acie pušu ye miēt tēnē kāk ye juaar, ku kāk ye nāk yī bik adumušm nyaai.” Acī lueel kēlā cɔk alɔn ye kāk ye juaar looi cīt tē ye löŋ ye lueel thīn.

<sup>9</sup> Ku lueel, “ɣen akīn Nhialic Madhɔl, ba kē wic ba looi, looi.” Kēya, Nhialic aci tēthēer ye ye duər thīn pušl, ku wēen Raan cī lɔc ku dɔc thīn, bī riemde kuēr rin bī adumušm kɔc ebën nyaai.

<sup>10</sup> Jethu raan cī lɔc ku dɔc aci kē wic Nhialic tēnē ye bī looi, looi. Ku rin cī yen rot juaar arak tök theer, kākuan rēc aci wušöny wei ebën.

11 Raan kək Nhialic Itharel, aye kəŋ nök wəthæɐ akölaköl bī yen Nhialic door. Ku aaye kək tōŋ thōŋ juēr Nhialic arak juēc. Ku kək ye ke juaarkä aake cie adumuööm ye nyaai.

12 Ku Raan cī ləc ku dəc acī rot juaar arak tək rin adumuööm, ajuēr cī ye bən ləu bā awäckua nyaai akölrüęc ebən.

13 Ku emən atit yet tē bī Nhialic kəc aterde guir ku dhuk ke yecök ciēn.

14 Ku ajuēr cī looi arak tək, acī kəc cī adumuöömken nyaai looi bik la cök akölrüęc.

15 Ku Wēi Nhialic ē jam tənē ɣo ē wət kənē aya. Acī lueel elä,

16 “Löŋ döör ba looi ke ke akın nın bī bən cök, lueel Bēny. ɣen abī löŋkiē täau kenhüim ku kepuöth.”

17 Ku ben lueel, “ɣen acī adumuöömken ku kərəc yekē ke looi ben kuęc nhüim.”

18 Wek paan ē ma, kərackua aaci päl piny papot. Na ye këya, le dət ɳot wic ɣok bāny bik ɣok aa nök rin bī adumuöömku päl piny?

### *Bäk lok tətthiäk ke Nhialic*

19 Këya miəthakäi, ɣok aaci nhüim läau alanden buk la ɣön Yaath apei ē Nhialic tō nhial, rin cī Jethu rot juaar bī nök bī riemde kuđer.

20 Wäär thou yen tim cī rüu kəu, acī kən ɣo gəl buk cī la ɣön Yaath apei ē Nhialic bən rac. Ku jot rot raŋ yic, ku emən arđer ɣön Yaath apei ē Nhialic ke läŋ Nhialic riengkua.

21 Ku na cuk la raandit kək Nhialic yen mac kəc Nhialic,



<sup>22</sup> cīt mēnē ye kākkuā yith, lokku tē rēer Nhialic thīn thōnyde nom ē puōn Ʒer ku gam cīn yic diu. Lokku kek puōthkuan Ʒer cīn yiic luoi kāreċ rin cī ke lōk riem Jethu. Ku rin cī Ʒo muōc nhīm bā adumuōmkua laak wei aya.

<sup>23</sup> Kēya, mukku kē cī thōn Ʒo piān tōk ke Ʒo cie puōth ē rou, rin aŋicku raan cī Ʒo thōn ē wētde tiēŋ nom.

<sup>24</sup> Takku tē bī Ʒok Ʒopuōth aa deet thīn, buk nhiēr ku luoi path aa nyuōth.

<sup>25</sup> Dukku kē ye Ʒok Ʒonhīm mat Ʒodhie pāl cimēn ye wāmāthkuan kōk ye looi. Lok tuēŋ Ʒo cīi dhōr Ʒo deet Ʒopuōth, buk rōt aa lēk buk aa bēn amat yic, aŋicku Akōl bēn Bēny aci thiōk.

<sup>26</sup> Acīn kāk ye nāk Nhialic lēu bī adumuōm pāl piny, tē ŋot le Ʒok tuēŋ Ʒo loi kāreċ ke yic cī lēk Ʒo.

<sup>27</sup> Kēya, Ʒok aa dhil tīit Ʒo riōc rin akōl bēn Luŋdīt, Ʒok kōc cī wēt Nhialic dhōl yic, Ʒok aabī tēm awuōc bī Ʒok rēer pan mac akōlriēc ēbēn.

<sup>28</sup> Aŋieckē, wāthēer tē kueec raan bī lōŋ Mothith cīi piŋ, ku gōony kōc karou ayī kōc kadiāk, ka dhil Ʒāth ē kōcdīt nhīm, ku biōök aleel bī thou.

<sup>29</sup> Jälkē thōŋ, na ye raan cī lōŋ Mothith dhōl yic tēm awuōc cīt kēnē, ke ya awuōc yīndē bī Nhialic tēm kōc cī kuec wēt Wēnde? Acīt lōn cī kek Jethu dhōl guōp, ku cuitkē, ku witkē piny ku kēckē yic. Ku acīt lōn cī kek dōr cī Jethu looi riemde kamken yōŋ yic. Ku acīt lōn cī kek Wēi Nhialic lāat wēl rēc rem apei, cōk alōn kony yen ke. Kōckā aabī dhiel tēm awuōc thiek apei.

<sup>30</sup> Aŋicku yen raan cī ye lueel theer ëlä, “Pieŋkël Ee ɣen ala riel ba kəŋ guöör.” Ku aŋicku lon cī yen ye lueel aya ëlä, “Bëny abī kacke tēm awuöc.”

<sup>31</sup> Këya, abī rëëc alanden tē ye yen Nhialic pīr akölriëëc ëbën yen tēm raan awuöc.

<sup>32</sup> Miëthakäi, takkë tən ye wek rëër thīn wäthëer. Wäär cī wek wët Jethu gam, wek aa dhiel gum ku wek aacī puöth bën riel. Wek aakëc puöth bën bath rin käreëc cī we yök.

<sup>33</sup> Wek aa we ye lat ku bui we aköldët. Ku aköldët, wek aa we ë kəc kək kony tē tiŋ wek ke ke baŋ cimëndun.

<sup>34</sup> Wek aacī gum kek kəc cī mac, ku wek aakëc puöth riäak tē wäär ye kakkun peec, rin ŋic wek yeen lon wek aabī kəpath wär kakkä la yök pan Nhialic. Kəpuöth cīn raan bī ke kaŋ nyaai tënë we.

<sup>35</sup> Duökkë puöth bath bäk wët Jethu wai wei, rin wek aabī ariöpdit yök pan Nhialic.

<sup>36</sup> Apath bäk wepuöth deet tē beŋ we, rin ke wek aacī kē wïc Nhialic looi, ku yökkë kē cī Nhialic thön we.

<sup>37</sup> Rin aye athör theer wël Nhialic lëk ɣo ëlä, “Ee kaam thiin koor ku raan cī lueel ka bö acīi bī gääu, abī guö bën.

<sup>38</sup> Ku kockiën la cök aabī rëër gam yic, ku ɣen acīi puöu bī miet tē cīi kek kepuöth bī deet.”

<sup>39</sup> Ku ɣok aacīi cit kəc guö dhör bīk mää, ku ɣok aala gam bī ɣook luök.

## 11

### *Gam*

<sup>1</sup> Gam yen ē ʒo cəl aŋic kāk ŋōthku ke bī rōt looi. Ku yeen ē ʒo cəl aŋic kāk cuk ye tīŋ.

<sup>2-3</sup> Ee gam yen aye ʒok ye ŋic lōn ē cek Nhialic piny ku nhial kek kāk tō thīn ēbēn wēt lueel ē path. Ku kāk yeku ke tīŋ emēn acīn kēn cīi Nhialic lōōm bī yen ke cak. Ku wäär le wärkuan dīt gam tēnē Nhialic, yen acī Nhialic ke bēn gam.

<sup>4</sup> Ku gam yen acī Abel Nhialic bēn juēr kēpuōth cī Nhialic bēn nhiaar apeī, wär kē cī Kain mēnhē juaar tēnē Nhialic. Ku gamde yen acī Nhialic puōu bēn miēt tēnē ye. Ku ŋic Nhialic lōn ē yen raan la cōk. Kēya, kē cī Abel looi cī yen Nhialic gam apeī aŋot yeku yōk ʒopuōth ke path emēn tē tək ʒok ye, cōk alōn cī yen thou thēer.

<sup>5</sup> Ku raan dēt la gam ril cīt Abel aya, ee ye Enok. Gamde yen acī Nhialic ye bēn jat nhial ke kēc thou. Guāpde akēc bēn yōk rin cī Nhialic ye nyaai. Aye athör thēer wēl Nhialic lueel lōn Enok ē ye Nhialic cəl amit puōu, wäär rēer yen pinyhom.

<sup>6</sup> Acīn raan lēu ye bī Nhialic cəl amit puōu tē cīn yen gam. Rin raan bēn tēnē Nhialic adhīl gam lōn Nhialic atō thīn, ku ē kōc ye thiēc gām kē wickē.

<sup>7</sup> Ku gam yen acī Noa wēt Nhialic bēn piŋ, wäär lēk Nhialic ye ye lōn bī aboordīt bēn bī kōc la gup adumuōōm bēn tēm awuōc. Go Noa wēt Nhialic gam. Ku guēŋ riāi ka aboor kēc bēn bī yen kacke kony. Ku gamde akēc yen käreec ye kōcken kōk ke looi bēn nhiaar. Ku Noa acī Nhialic bēn cəl ala cōk rin gamde.

<sup>8</sup> Ku ee gam aya yen acəl Abaram aŋam kē cī Nhialic lēk ye. Ku ler pan cī Nhialic lēk ye cōk alōn

awën kuc Abaram ë pan kënë. Pan kënë yen ëcī Nhialic lueel lön bī yen ye gäm miëthke aköldä.

<sup>9</sup> Ku gam yen acī Abaram bën cien ke ya alei pan wäär cī Nhialic thön ye. Ku jəl n̄östh lön bī Nhialic piny kënë gäm miëthke aköldä. Ku jəl cien duël yiic. Ku lök Ithäk kek Jakop cien thīn aya, kəc wäär cī Nhialic thön lön bī yen piny kënë yiëk ke.

<sup>10</sup> Abaram acī rëer ë pan kënë ke tit gen cī Nhialic buth, yen cī Nhialic thön ye cīi cīt duël.

<sup>11</sup> Ku ë gam cī Abaram Nhialic gam yen ë dhiëeth yen meth cək alön wäär cī yen dhiöp apēi. Ku tien̄de Thara ke cīi dhiëth. Acī n̄östh lön bī Nhialic athönde tien̄de nhom.

<sup>12</sup> Na cək alön awën cī Abaram dhiöp apēi, bī raan ëbën njic lön cīi yen bī bën dhiëth, ke yeen acī bën a wundīt kəc juëc apēi cīt liëet, ku kuël nhial cie kuen.

<sup>13</sup> Kockä ëbën aacī gamden muk agut tē thou kek. Keek aake kəc käk cī Nhialic thön ke yök. Ku aake yekē tin̄ tēmec, ku gamkē ke ke mit puöth. Ku ë yekē lëk kəc lön aa rëer kecīt jööl pinynhom ë tēn, ke bī ber tē cī lëk ke.

<sup>14</sup> Alëuku buk njic ëmën lön kəc jam kälä, aaye kë nyuöth lön wic kek pan bī ya panden.

<sup>15</sup> Na yekē tak lön ye pan cik nyään̄ wei panden, nuöt aacī dhuk thīn.

<sup>16</sup> Ku acik wic kepuöth apēi bīk yet pan path, pan tō nhial. Ku Nhialic acie guöp ye yär tē cöl ye, ke Nhialicden. Ku këya, acī gen path guiir tēnē ke.

---

**11:8** Cäk 12:1-5      **11:9** Cäk 35:27      **11:11** Cäk 18:11-14; 21:2

**11:12** Cäk 15:5; 22:17; 32:12      **11:13** Cäk 23:4; 1Lëk 29:15; Wk 39:12

17-18 Ku gam yen ecī Abaram rot guiir bī wēnde Ithäk nök wäär them Nhialic ye. Yen Abaram raan cā athön Nhialic yök, ee wïc bī manhden tōḡ tō yenhom nök, cək alən cī Nhialic ye lueel tēnē ye lən ē Ithäk yen abī yīn mīth ca thön yī yök tēnē ye.

19 Acī Abaram tak lən bī Nhialic Ithäk jət aköldä. Ku këya, Abaram acī Ithäk yök ke cīt raan cī Nhialic cəl aben pīr.

20 Ku gam yen acī Ithäk Jakop ku Ethau thön dəc Nhialic rin kāk bīk yök aköldä.

21 Ku gam yen acī Jakop wēēt wēnde Jothep bēn dəc wäär cī yen thiök ke thou. Ke kääc ke cī yenhom guöt waiden ē yen piny thany, ku rök Nhialic.

22 Ku gam yen acī Jothep ye ḡic wäär cī thuonde thiök lən bī kəc Itharel jäl pan Ijip. Ku lək ke bīk yuəmke cīi nyiēḡ pan Ijip aköldä le kek jäl.

23 Ku gam yen acī kəc ke dhiēth Mothith ye bēn thiaan pēi kadiäk wäär cī ye dhiēth. Ee cīk tīḡ ke ye manh path apēi. Ku ke aake kēc riöc wēt kēc kek lōḡ bēnyḡaknhom pan Ijip theek.

24 Ku gam yen acī Mothith bēn kuc wäär cī yen dīt bī cīi ye cəl ke manh nyan bēnyḡaknhom.

25 Na cī wïc bī puḡu ya miēt, miēt ē puḡu cie ceḡ ē bēn luoi käreç yīic, ḡuöt acī rēer pan bēnyḡaknhom. Ku acī bēn nhiaar bī rēer kek kacke bī gum ke ke.

26 Acī yök yepuḡu lən bī yen kəpath yök thīn tē guum yen kuçc ciēḡ rin ē kacke. Cīmēn wäär cī Raan cī ləc ku dəc gum, tēn tē bī yen kajuēc path yök pan Ijip. Rin ē ḡōth ariöp bī yök aköldä.

**11:17-18** Cäk 22:1-14; Cäk 21:12      **11:20** Cäk 27:27-29, 39-40

**11:21** Cäk 47:31; 48:20      **11:22** Cäk 50:24-25; B.bei 13:19      **11:23**

B.bei 2:2; 1:22      **11:24** B.bei 2:10-12

27 Ku gam yen acī yen bən jəl pan Ijip ke cīi riəc riääk puəu bənyəknhom. Ku le tuen ke gum ciət cī Nhialic cie tiŋ, tiŋ.

28 Ku gam yen acī Mothith wēt Nhialic bən piŋ. Ku guiir tē bī kəc Itharel jiəl thīn pan Ijip. Ku lək ke bīk thök nək. Ku rəthkē yəətken thook riem, rin na la atuny Nhialic bī mīth rōör ke kəŋ dhiëeth bən nək, ke cīi mīth rōör kai kəc Itharel mət thīn.

29 Ku gam yen acī kəc Itharel Wār Lual bən teem ke ciət cī döu. Nawən jəl wic kəc Ijip bīk ke buəoth, ke wār ben thiän ku moukē.

30 Ku gam yen acī kəc Itharel päny gen Jeriko bən gööt nin kadhorou abī wīik.

31 Ku gam yen akəc adējöŋ cəl Rayäp bən nək kek kəc gen Jeriko wäär nək ke, rin cī kek jai ē Nhialic. Rin yen Rayäp nhom ē cā anēm kəc Itharel lor ku nyuuc ke paande.

32 Kəc kək juəc aya aa la gam. Acä ləu ba we lək kək cī kəc kək looi, cīmən yī Gidiön, Barak, Thamthon, Jeptha, Debit, Thamel ku kəc kək Nhialic tiŋ.

33 Ku gam yen acī kəc kək bāny bən cop. Ku yen ŋic kəc kək kəc mac. Ku yök kəc kək kē cī Nhialic thən kəc. Ku ē yen acī kəc kək köör bən der thook.

34 Kəc kək kamken aaci məc bən nək, ku riickē röt bei ē paal thook. Kəc kək ke niəp aaci bən riəl apei təŋ yic. Ku copkē yəm apuruuk ē wuət kək.

---

**11:27** B.bei 2:15      **11:28** B.bei 12:21-30      **11:29** B.bei 14:21-31

**11:30** Joc 6:12-21      **11:31** Joc 2:1-21; 6:22-25      **11:32** Bāny  
6:11-8:32; 4:6-5:31; 13:2-16:31; 11:1-12:7; 1Tha 16:1-1; 1Bŋ 2:11;  
1Tha 1:1-25:1      **11:33** Dan 6:1-27      **11:34** Dan 3:1-30

<sup>35</sup> Rin gam yen acī Nhialic rōök diäär bēn gam, ku cəl kɔcken cī thou aa ben pīr. Ku kɔc kɔk aaci bēn aa gum ke cī kenhīim waar, rin bī ke jət aköldä.

<sup>36</sup> Kɔc kɔk aya aake ye läät ku that ke. Ku kɔc kɔk aake ye rek ku mac ke.

<sup>37</sup> Ku kɔc kɔk aake ye bißök aleel. Ku kɔc kɔk aake ye tɛm kōth ē rou. Ku kɔc kɔk aake ye tɛm röt paal. Kɔc kɔk acīn kē yekē cien, aa kōt kek aake yekē kuōm kekōth. Kɔc kɔk aake ŋōŋ, ku aake ye baŋ ku kuc ke ciēēŋ.

<sup>38</sup> Kɔckä ēcīi path bīk cien pinynhom. Aake ye piny kuany yic ē path roor liεεt. Ku ciēŋkē adhuum yiic, ku kuōr yiic ku gat yiic.

<sup>39</sup> Ee ŋic lɔn le kɔckä ēbēn gam. Ku acīn raan tōk kamken ca athōndīt Nhialic bēn yök.

<sup>40</sup> Nhialic ēcī kēpath guiir ke ŋic ʒo. Kēya, bī ke nhīim ku ʒo looi buk la cök ʒodhie.

## 12

<sup>1</sup> Kēya ēmēn, yök aa ŋic kɔc juēc wäär cī gamden nyuōth tēnē Nhialic. Ku rin ē wēt kēnē pälku kāk ʒo thel adumuōm yic, adumuōm yeku ke lac looi. Ku aa ʒo gēl buk dhēl Jethu buōth yic. Lok tueŋ ʒo wēer ke ʒo cīi dhōr buk kē cī Nhialic guiēr ʒo dōöt.

<sup>2</sup> Yeku rēer ʒo dōt Jethu raan cī ʒo nyuōth dhēl ku gam la cök. Ku rin miεt puōu bī yök, yen acī yen ye gam bī thou tim cī rīiu kōu. Ku cīi kuc bī kē looi cīi päl, cök a wäär ye ke ye yōör guōp. Ku ēmēn a rēer kōŋ cuēc thōny Nhialic.

<sup>3</sup> Takke tē cī Jethu guum thīn tēwäär ye kōc kēc wēt Nhialic gam ye gaany thīn akōlakōl, rin bī wek cīi dhör ku baathkē puōth.

<sup>4</sup> Rin aṇot cīn raan cī nōk, ayī raan cī yiēk tētōk kamkun kōc cie wētdun ye gam.

<sup>5</sup> Cāk nhīim mää r wēēt puōth ye Nhialic we wēēt ke we cīt miēthke?

“Manhdiē, cōk yīpuōu piny tē wēēt Nhialic yīin, ku duk cōl aye kērac tē nyieeny yen yīin.

<sup>6</sup> Rin Nhialic ee kōc nhiēer keek cōk piny.

Ku ee kuat raan cī gam kecīt manhde tēm awuōc.”

<sup>7</sup> Guōmkē kāre c kecīt wēēt Nhialic tēnē we, rin ē yen we cōl acīt miēthke. Nadē cāk kaṇ piṇ le manh kēc wun kaṇ that rin wīc yen ye bī wēēt?

<sup>8</sup> Na cīi Nhialic we yīk awuōc wēēt yen we cīmēn adhie ye wun mīth miēthke wēēt, ke wek acie miēthke.

<sup>9</sup> Cīmēn ye ḡok ṇot ḡo thek wārkuā pinynhom ē tēn tē cōk kek ḡo that, cuk bī lēu alanden buk rōt thōn Nhialic, wun wēikua ku pīr tē wēēt yen ḡo?

<sup>10</sup> Wārkuā aa ḡo wēēt tē kor ḡok buk ṇiēc cienṇ kam kōc run lik pinynhom ē tēn, cīt tē yekē yōk ye ke path. Ku Nhialic ē ḡo wēēt akōlakōl rin kāpuōth buk yōk buk dhēṅde rōm kek ye.

<sup>11</sup> Wēēt acie guō nhiaar nyin yic, aye yōk ciēt rēec. Na lā thēer, ke kōc cī tēm awuōc aa la cōk ku yekē kōc ē dōr.

<sup>12</sup> Kēya, duōkkē riōc lak tuēṇ ke we deet wepuōth.

<sup>13</sup> Biathkē dhēl la cōk yic, bī kōc koor gam riel gamden yic. Ku cik mēr wei wecōk.



14 Miēthakāi, themkē bāk ŋiɛc cien ke kəc ēbən, bāk rēer dhēēŋ Nhialic yic. Rin raan liu dhēēŋ Nhialic tēnē ye aciī bī kaŋ tīŋ.

15 Muōkkē wenhīim bī ciēn raan cīi dhēēŋ Nhialic yök. Ku tiēerkē nhīim paan ē moor bī ciēn raan loi kērac mət we wei ēbən. Aŋiɛckē, ee diēn tōk yen ē wār rac nyin.

16 Acīi path bī raan yepuōu ya yiēk bal. Ku cīn raan loi rot bī yic pial cīmēn Ethau wäär pəl diētde tēnē raan buōth ye, rin cī yen ye gām miēth koor ē path.

17 Ku aŋiɛckē wäär wīc Ethau ye bī la tēnē wun bī la dəɔc ku bī diētde dhuōk ciēn, ku akēc dəc bēn yök tēnē wun. Kēnē akēc rot bēn lēu bī waar yic cək a wäär cī yen dhiau piū ē nyin.

18 Wek aa kēc bēn we cīt kəc Itharel wäär cī la gən Thinaɪ cök. Ku tīŋkē manydīt apɛi ke dɛp. Nawēn ke tīŋ luāāt aya ke cī gət paat piny ku looi muōthdīt, ku yomdīt apɛi. Ku ye bir yic ku mēer apɛi abik riōc ēbən

19 Ku piŋkē kaŋ yic ku röl la gɛi. Aaci Nhialic piŋ ke jam röldīt apɛi, nawēn ke lēkkē Mothith bī Mothith Nhialic lōŋ bī cīi ben jam tēnē ke.

20 Ku aaci jāl bēn riōc apɛi tēwēn piŋ kek Nhialic röl ke lək ke ēlä, “Acīn raan yēēt ē gən kēnē cök, na cək a lēi ku le nhial ye ka biōök aleel bī thou.”

21 Agut Mothith aci bēn riōc aya apɛi wēn looi kākka röt abī ya lueel, “Yēn aye riōc lath.”

22 Wek aa kēc bēn gən Thinaɪ löm. Wek aaci bēn gən Dhain löm, yen cī Jeruthalem ē yam gen

---

12:15 L.rou 29:18

12:16 Cäk 25:29-34

12:17 Cäk 27:30-40

12:19 B.bei 19:16-22; 20:18-21; L.rou 4:11-12; 5:22-27

12:20

B.bei 19:12-13

12:21 L.rou 9:19

Nhialic pīr buth yenhom. Wek aaci bēn yan miet pušu dīt yic tō atuuc Nhialic juēc apei thīn.

<sup>23</sup> Wek aaci bēn tēnē Nhialic yen luk looi tēnē kəc ēbēn. Ku tēnē wēi kəc path cī Nhialic looi bīk la cōk.

<sup>24</sup> Wek aaci bēn tēnē Jethu cī lōŋ dōŋr ē yam looi. Aci riemde juaar rin bī Nhialic adumuōōmkua pāl piny, rim cīi thōŋ kek rim Abel wäär thiēc ē guur.

<sup>25</sup> Wek aa yōōk bāk cīi kuc wēt raan jam. Kəc wäär cī kuc bīk wētde cīi gam pinynhom tēn aakēc bēn pušl ke cīi tēm awuōc. Na ye kēya, buk poth kēdē, ŋo cīi tēm awuōc tē cīi ŋok wēt cī Nhialic jam tēnē ŋo nhial piŋ?

<sup>26</sup> Wäär rōlde gōn Thinai ēcī piny yāāk. Ku ēmēn aci kəc lək ēlā, “Acie pinynhom rot yen ba yāāk, ŋen abī nhial yāāk aya.”

<sup>27</sup> Ku dēt aya, kē ye wēlkā nyuōath ē lōn kāk cī cak aabi rōt yāāk ku nyiεi ē keek. Ku dōŋ kāk cīi lēu bī ke yāāk.

<sup>28</sup> Kēya, ŋok aa kəc cī Nhialic yiēc pan cīn kē bī ye yāāk athεr. Lecku Nhialic ku dorku dhēl ye col amit pušu, ku rēerku ke thekku ku riōōcku ē ye.

<sup>29</sup> Rin ye Nhialic kəc tēm awuōc thiek apei, acit many adhie kēriēc ēbēn ruōōc piny.

## 13

### *Tē ye Nhialic miēt pušu thīn*

<sup>1</sup> Lak tueŋ we nhīar rōt akōlakōl ke we cīt mīth tik.

<sup>2</sup> Lor jōōl ē pušn ŋer ku nyuōōc keek apath. Rin cī kəc kōk atuuc Nhialic kaŋ lor ke kuckē ke.

<sup>3</sup> Dužkkē nhīim ye mäǟr kɔc mac ku kɔc gum. Yakē ke kony ciēt we mac ku guššmkē ke ke.

<sup>4</sup> Thiēek adhil raan ēbēn theek, rōör ku diäär aa dhil röt theek kamken bī ciēn raan dēēk ŋek pušu. Nhialic abī kɔc cī rot thiaak ē luui akər tēm awuōc, ku kɔc kēc thiēek luui kāk ē bal aya.

<sup>5</sup> Dužkkē ye wīc wepušth bāk la kājuēc apēi, ye kēdun muk yen ye yiēk yīpušu rot. Acī Nhialic lueel theer ēlä, “Wek aacā bī kaŋ päl wei, ku wek aacā bī nyääŋ wei.”

<sup>6</sup> Na ye këya, rēerku ē cök ku ŋöthku Nhialic, ku yeku lueel ēlä, “Ee Nhialic yen ē ŋen kony, acīn kē ben ŋa riääc. Le raan lēu ye ba luši kērac?”

<sup>7</sup> Dužkkē nhīim mār kɔcdit tuenŋ wäär we lēk wēl Nhialic. Takkē apath yen tē piir kek thīn aŋet tē thou kek. Luššikē cimēnden gam yic.

<sup>8</sup> Jethu Kritho acie rot ye waar. Ee yen tōŋ aköl wäär ku ya aköl ku akölrīēec ēbēn.

<sup>9</sup> Dužkkē röt cöl aa rēc ē nhīim piöoc juēc kɔc gōi ye lueel lən cīi müith kōk bī ya cam. Wek aa dhil wepušth wēl dhēēŋ Nhialic ku acie müith ye cam cīn kē yekē kušny wēi kɔc ke cam.

<sup>10</sup> Ajuēr ye looi bī ŋo awaar käreec yiic, acit ajuēr löŋ döör wäär ye looi bī adumuššm päl piny. Ku acīn raan ye pušl agut kɔc kāŋ juaar tēnē Nhialic duēl yic bīk rīiŋ län cī nōk cuet.

<sup>11</sup> Rin raandit kāk Nhialic ē ye riēm län cī juēr Nhialic ŋäth tē yaath duēl yic rin bī adumuššm päl piny. Ku län cī nōk ē ye nyop roor abī ya col.

12 Ku Jethu aya, ee thou γεu kōu ayeer Jeruthalem. Tēwēn nək ye ēcī riemde kuēr rin bī adumuōmkua pāl piny.

13 Kēya, dhilku biaath ayeer aya γεu kōu buk yār guōp wāār cī guum la rəm kek ye.

14 Kēnē adhilku looi, rin pinynhom tē ciēŋ ɣok thīn acie yen tē bī ɣok ciēŋ thīn athεε. ɣok aa tit gen yam yen bī bēn.

15 Kēya, cīt mēnē cī ɣok Jethu gam, yeku Nhialic leec akōlakōl. Rin lēc ye ɣok ye leec piāthkua ēbēn, yen ajuērdan ye nyuōōth lōn ye yen Bēny.

16 Duōkkē nhīim mār luoi kāpath, ku kē ye wek rōt kony kamkun, rin kākkā kek ajuēr Nhialic cōl amit puōu.

### *Thek kəckun dīt wəl Nhialic*

17 Thek kəckun dīt wəl Nhialic, ku piŋ tē ye kek yī wēēt thīn, rin ye kek kəc tit wēiku. Ku aŋickē lōn bī Nhialic ke thiēec akōldā tē cī kek wēi kəc tiēet thīn. Na thek ke ku gam wētden, ka bī luoiden looi ke mit puōth. Ku na cī wētden piŋ ka luui ke rem puōth. Ku na cik ŋic luui apath, ke la kē kuny kē yī?

18 Yakē rōök rienkua. Acīn kēreεc rēēr ɣopuōth. Awīcku bī ya kēpath yen yeku looi akōlakōl.

19 Wek aa liēm piāndiē ēbēn bāk rōök bī Nhialic ɣa cōl adhuk tēnē we ye nīnkā.

### *Rōök ciēen*

20 Ku ēmēn, bī Nhialic rēēr kek dōōr, yen cī Bānyda Jethu cōl aben pīr, week yīek kāk wiēckē ke bī wek kēden wīc looi. Ku bī luui wepuōth riel Jethu raan cī lōc ku dōc,

21 bī wek kuat kāk ye miēet puōu ya looi. Jethu yen abiōŋdīt rin cī yen lōŋ dōōr akōlriēec cī

thany riemde looi. Bī diik ya kēde akölriëc ëbën.  
Yenakan.

*Wël ciëen*

<sup>22</sup> Miëthakäi piεjkë wël lik deet wepuöth ca lëk  
we apath. Rin athör ca gāt we aciek.

<sup>23</sup> Awiëc bāk ηic aya lön wämäätthda Timothī aci  
lony ë ninkä. Na ləc bën bä dööt, ke yok aabi cath ë  
tök buk we la neem.

<sup>24</sup> Miäthkë kəcckun dīt ku kəc kək cī wēt Nhialic  
gam ë rienkua. Wämäthakua pan Italia aa we  
muöth aya.

<sup>25</sup> Bī dhëen Nhialic rëer kek we ëbën.

**Lëk yam**  
**New Testament in Dinka, Southwestern (SU:dik:Dinka,**  
**Southwestern)**

copyright © 2006 Wycliffe Bible Translators, Inc.

Language: Dinka, Southwestern

Translation by: Wycliffe Bible Translators, Inc.

Dinka, Southwestern

dik

Sudan

**Copyright Information**

© 2006, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

**The New Testament**

in Dinka, Southwestern

© 2006, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

---

PDF generated using Haiola and XeLaTeX on 18 Apr 2025 from source files dated 29 Jan 2022

d94b9d26-33ff-5c4e-819f-5bfe86ac9e55